

TARIKH	13 / 6 / 2013	SEKSYEN	Negara
MUKA SURAT	L-24	RUANGAN	

MUIP sasar kutipan zakat harta RM108 juta

HAFIZ ABBAS

KUANTAN – Majlis Ugama Islam dan Adat Resam Melayu Pahang (MUIP) menyasarkan kutipan zakat harta sebanyak RM108 juta pada tahun ini dengan sasaran seramai 71,000 pembayar zakat.

Menurut Timbalan Yang Dipertua MUIP, Datuk Seri Wan Abdul Wahid Wan Hassan, sasaran itu dilihat realistik selepas pihaknya berjaya mengutip zakat sebanyak RM102.8 juta pada tahun lepas.

"Kutipan zakat pada tahun lalu menunjukkan peningkatan sebanyak

RM20.1 juta berbanding RM82.7 juta pada tahun 2011," katanya pada majlis Penyerahan Zakat Perniagaan Korporat di Istana Mahkota di sini semalam.

Pada majlis itu, Sultan Pahang, Sultan Ahmad Shah berkenan menerima wang zakat perniagaan berjumlah RM2,446,132.65 daripada Ketua Pegawai

Operasi Lembaga Tabung Haji, Datuk Kamarudin Mat Ali.

Turut hadir Setiausaha Kerajaan Negeri Pahang, Datuk Seri Muhammad Sufian Ismail dan Pengurus Besar Pusat Kutipan Zakat Pahang, Datuk Halidan Md. Daud.

Tambah Wan Abdul Wahid, bagi mencapai sasaran itu, MUIP akan menumpukan kepada beberapa strategi iaitu kempen galakan membayar zakat dalam klangan peneroka Felda, kempen membayar zakat melalui potongan gaji dan unit kaunter bergerak.

"Saya berharap ramai lagi ahli korporat dan individu akan tampil membayar zakat harta agar dapat disalurkan kepada umat Islam yang memerlukannya," katanya.

Jelas beliau lagi, pihaknya berjaya meningkatkan jumlah pembayar zakat daripada 60,057 kepada 67,186 orang pada tahun lepas.



SULTAN AHMAD SHAH (kiri) berkenan menerima replika cek zakat perniagaan Tabung Haji daripada Kamarudin (tengah) pada majlis Penyerahan Zakat Perniagaan Korporat di Kuantan semalam.